

四庫全書

子部

欽定四庫全書

喻林卷二十七

明 徐元太 撰

人事門 二十五

勸助

誰能亨魚漑之釜鬻音尋誰將西歸懷之好音匪風

之子于狩言報音暢其弓之子于釣言綸之繩音采詩小雅

衡門誘僖公也愿而無立志故作是詩以誘掖其君也

毛詩
衡門

婦子來饋饗其農人於田野乃逆而媚愛之言勸其事

勞不自苦

鄭氏箋
詩載芟

人見池水之竭盡矣豈不言云由其外之濱厓無水以
益之故也以喻人見王政之喪亂矣豈不言曰由其外
之羣臣無賢以佐之故也人見泉水之枯竭矣豈不言
云由其內之地中無水以生之故也以喻人見王政危
亂矣豈不言曰由其內之妃后無德以助之故也

毛詩
正義

芟 召

人之相與也譬如舟車然相濟逢也已先則援之彼先則推之是故人非人不濟焉非馬不走土非土不高水

非水不流

大戴禮記魯子制言上

夫二子者或輓之或推之欲無入得乎

左傳襄公十四年

晉禦其上戎亢其下譬如捕鹿晉人角之諸戎犄之與

晉路之

左傳襄公十四年

人有言曰無過亂人之門又曰佐饗者嘗焉佐鬪者傷

焉

周圖語

衛非強於趙也譬之衛矢而魏弦機也藉力魏而有河

東之地

戰國策
齊閔王

斯何異燎之方盛又搗膏以熾之哉

吳志張
溫傳註

小水不容大舟若縱才力足以濟事亦不假君為鱗翼

晉書桓
謙傳

乘鸞之徒因翼生羽

北史周
本紀上

世之君子欲其義之成而助之修其身則愠是猶欲其

墻之成而人助之築則愠也豈不悖哉

墨子
貴義

今有燎者此於一人奉水將灌之一人搯火將益之功
皆未至子何貴於二人巫馬子曰我是彼奉水者之意

而非夫搯火者之意

墨子
耕柱

且有二生於此善星一行為人筮者與處而不出者其
精孰多公孟子曰行為人筮者其精多子墨子曰仁義
鈞行說人者其功善亦多何故不行說人也

墨子
公孟

今夫世亂求美女者衆美女雖不出人多求之今求善
者寡不強說人人莫之知也

墨子
公孟

夫子三侵魯而綽三從是鼓鞭於馬靳也

墨子魯問

使失路者而肯聽習問知即不成迷也今衆人之所以欲成功而反為敗者生於不知道理而不肯問知而聽

能

韓非子解老

雖有堯之智而無衆人之助大功不立有烏獲之勁而不得人助不能自舉有賁育之彊而無法術不得長生

韓非子

觀行

佐祭者得嘗佐鬪者得傷陰不祥之木為雷霆所撲

淮南

子說
林訓

比目之魚所以不見得於人者以偶視而俱走也今秦有兼吞天下之志日夜伺間不忘於側息也趙魏與之隣接而強弱不敵秦所以不敢圖并趙魏者徒以二國

併目周旋者也

孔叢子
論勢

始皇方獵六國而翦牙款

楊子
淵騫

次四翕其羽利用舉測曰翕其羽朋友助也

太玄經
第五翕

日雖暮長庚星在前扶助常有光明也

前漢書註
禮樂志

翼戴崇獎以成帝業若車之行助推其轂故得引重而

致遠也

前漢書註
燕王傳

曳織經於前鳴長鞭於後所以驚魚令入網也

李善註
文選西

征賦

飛塵增山霧露增海

事類賦天
部露註

緋謳所生必於斥苦司馬彪曰斥疏緩也苦用力也引

緋所以有謳歌者為人用力不齊故促急之也

因學紀
聞卷十

諸子

敬竭燭火之見仰助陽暉之明

玉皇本行集經

譬如熾火將大木薪擲置其中如是數數擲中其火轉

增熾盛不減

發覺淨心經卷上衣四

譬如國王遣兵有所攻擊兵弱欲不如王復遣兵往助

之兵使得勝人有諸惡如兵少弱時人持善心消滅惡

心譬如王增兵得勝持五善心消五惡心譬如戰鬪得

勝是為精進助善如是

那先比丘經卷上

昔有一聚落去王城五由旬村中有好美水王勅村人

常使日日送其美水村人疲苦悉欲移避遠此村去時
彼村主語諸人言汝等莫去我當為汝白王改五由旬
作三由旬使汝得近往來不疲即往白王王為改之作
三由旬衆人聞已便大歡喜有人語言此故是本五由
旬更無有異雖聞此言信王語故終不肯捨世間之人
亦復如是修行正法度於五道向涅槃城心生厭倦便
欲捨離頓駕生死不能復進如來法王有大方便於一
乘法分別說三小乘之人聞之歡喜以為易行修善進

德求度生死後聞人說無有三乘故是一道以信佛語

終不肯捨

百喻經
卷上

助成我者三十七道品猶人有眷屬相助成者也

僧肇
註

摩詰經
菩薩

行品

食報

積善之家必有餘慶積不善之家必有餘殃

易
坤

天下人行善者皆欲連得其福恬然者少也以為福祿
在天求之無益舍置仁義不求為善是由農夫任天不

復耘治其苗也其遲福欲急得之者由此掘苗人也非

徒無益於苗乃反害之

趙氏註孟公孫丑上

是謂農夫盡力他食其秋

魏書孫紹傳

利出者實及怨往者害來發於此而應於外者唯請是

故賢者慎所出

列子說符

其施厚者其報美其怨大者其禍深薄施而厚望畜怨

而無患者古今未之有也

淮南子繆稱訓

聖王布德施惠非求報於百姓也郊望禘嘗非求報於

鬼神也山致其高雲雨起焉水致其深蛟龍生焉君子

致其道德而福祿歸焉夫有陰德者必有陽報有隱行

者必有昭名

說苑
貴德

衆正之積福無不及也衆邪之積禍無不逮也

說苑
談叢

見言出則響入形往則影來明報應之理不異於此也

張湛註列
子說符

塗遠者其至必遲施厚者其報常晚

抱朴子外
篇廣譬

影響不能無形聲以著餘慶不可以無德而招

抱朴子
外篇廣

響

卷二十七

得報不同猶如聲發聲發不異隨處應響大小不同

海空

智藏經
序品

小則報小大則報大如規如矩如繩如墨皆相應赴分

毫不差

海空智藏
經序品

譬如有人臨空而語聲響彼谷反應無差若作鄙言響

還即鄙若作善聲響還即善若作歌聲響還即歌若作

哭聲響還即哭若作大聲響還即大若作小聲響還即

小若作中聲響還即中若相召喚

海空智藏
經序品

人為陽善吉人報之人為陰善鬼神報之人為陽惡賊

人治之人為陰惡鬼神治之故天不欺人依以影地不

欺人依以響

養性延命
錄教誡篇

父如穀子母如好田先世因緣罪福如雨澤衆生如穀

生死如收刈

三昧法門
經卷上

擊人得擊行怨得怨罵人得罵施怒得怒

法句經
惡行品

惡不即時如擊牛乳罪在陰伺如灰覆火

法句經
惡行品

譬如勲勞即立然後受其功賞

大智度論
卷三十六

懷善者應之以祚挾惡者報之以殃未有種稻而得麥

施禍而獲福者也

弘明集
牟子理惑論

僖負羈以一殮之惠全其所居之間宣孟以一飯之故

活其不貲之軀陰施出於不意陽報皎如白日况傾家

財發善意其功德巍巍如嵩泰悠悠如江海矣

弘明集
牟子理

論
惑

殺生者當作蜂蟻朝生暮死劫盜者當作猪羊受人屠

割媿逸者作鶴鷺麀麀兩舌者作鷄梟鷓鴣捍債者為

驢騾牛馬

法苑珠林卷七

至如揚生養雀寧有意於玉環孔氏放龜本無情於金

印而冥期弗爽推報斯臻

法苑珠林卷六十五

夫有形則影現有聲則響應未見形存而影亡聲續而

響乖善惡相報理路然矣

法苑珠林卷七十

相依

域中有萬國使之各相親比猶地上有水流通相潤及

物周易正
義比

賁其須者頌是上須於面六二常上附於三若似賁飾

其須也周易正
義賁

餅之罄矣維蠱之恥詩小雅
蓼莪

我行其野蔽芾音其樗音 我行其野言采其蓬音

我行其野言采其葛音 雅音 我行其野音

離渠水鳥而今在原失其常處則飛則鳴求其類天性

也猶兄弟之於急難鄭氏箋
詩棠棣

旄丘之葛兮何為闊之節兮以當蔓延相及以興方伯

之國兮何為使之連屬兮亦當憂患相及

毛詩正義旄丘

諺所謂輔車相依唇亡齒寒者其虞虢之謂也

左傳僖公五年

餅是小器常稟受於罍今餅罄盡罍更無物以共餅惟是罍之恥也餅喻周罍喻晉言周之微弱相依恃於晉

今王室亂矣晉無力以助之是晉之恥也

春秋正義昭公二十四年

東方有比目魚焉不比不行其名謂之鱧

音蝶

南方有比

翼鳥焉不比不飛其名謂之鷓鷯

音兼

西方有比肩獸焉

與邛邛岨

音巨

虛比為邛邛岨虛齧甘草即有難邛邛岨

虛負而走其名謂之歷

音厥

北方有比肩民焉送食而送

望中有枳首蛇焉此四方中國之異氣也

爾雅

尚靳使秦謂秦王曰韓之於秦也居為隱蔽出為鴈行
今韓已病矣秦師不下穀臣聞之唇揭者其齒寒願大

王之熟計之

戰國策
韓襄王

比目之魚不相得則不能行故古人稱之以其合兩而
如一也今山東合弱而不能如一足山東之智不如魚

也又譬如車士之引車也三人不能行索二人五人而
車因行矣今山東三國弱而不能敵秦索二國因能勝
秦矣然而山東不知相索者智故不如車士矣胡與越
人言語不相知志意不相通同舟而凌波至其相救助
如一也今山東之相與也如同舟而齊秦之兵至不能
相救助如一智不如胡越之人矣三物者人之所能為
也山東主遂不悟此臣之所為山東苦也

戰國策
燕王會

且趙之於齊楚扞蔽也猶齒之有唇也唇亡則齒寒今

日七趙明日患及齊楚且救趙之務宜若奉漏甕沃焦

釜也

史記田完世家

夫天之與帝帝之與人猶頭之與足相須而行也

後漢書劉

陶傳

周訪與侃親姻如左右手安有斷人左手而右手不應

者乎

晉書陶侃傳

天之生朋以為夷吾舌也其身死舌焉得生哉

管子戒

凡棺槨之相待猶唇齒之相依唇亡齒寒不可異處也

夫四夷守外諸夏待內內外相依天下安矣

公孫龍子
白馬論註

出則為扞蔽入則為蓆薦

韓非子
存韓

人稟五常三焦九竅風火逆相兼濟以一位虧四體羸

焉

京氏易傳
註夾中

夫虞之有號也如車之有輔輔依車車亦依輔虞號之

勢正是也

韓非子
十過

母子相養猶衣裳相扶也

太玄經第
四迎解

秦晉固唇齒之國也唇亡則齒寒齒落則唇糜今秦方

以晉為唇也而先有寒齒之心

天祿閣外史傷時

唇亡齒寒毛落皮單

武侯十六策陰察

寄松為女蘿依水如浮萍

曹子建閨情

天下莫不相為彼我而彼我皆欲自為斯東西之相反也然猶唇齒未嘗相為而唇亡則齒寒故彼之自為濟

我之功弘矣斯相反而不可相無者也

郭子註莊秋水

嬰與夫共相提挈有人生平慕嬰夫後見其失職而頗慢弛如此者共排退之不復與交譬如相對挽繩而根

格之也

前漢書註
灌夫傳

廣志曰鯿魚似便面雌常負雄而行失雄則不能獨活

李善註文

選江賦

夫將相大臣均體元首共與而馳同舟而濟輿傾舟覆

患實共之

廣文選朱公
肅奏記梁冀

歷與距虛乍免乍鼠長短相濟彼我俱舉有若自然同

心共膂

藝文類聚祥瑞
部比肩獸贊

夫城之有郭猶裏之有表骨之有皮表裏各異則保障

不完皮骨分離則一體不負

太平御覽
居處部郭

白蘭王吐谷渾阿柴臨卒呼子弟謂曰汝等各奉吾一
隻箭將玩之地下俄而命母弟慕延曰取汝一隻箭折
之延折之又曰汝取十九隻箭折之延不能折柴曰汝
曹知單者易折衆則難摧勦力一心然後社稷可固

太平

御覽兵

部箭

君者民之源也民者君之根也根傷則華實不生源衰
則流沫不盈上下相保故能長久

道德經指
歸卷八

譬如三蘆立於空地展轉相依而得豎立若去其一二

亦不立若去其二一亦不立

雜阿含經
卷十二

轉相依倚譬如鼓音如弓弦箭而相恃怙不合不別

修行

道地經
觀品

在於世間問相依譬如盲跛相倚行

修行道地
經觀品頌

譬如嬰兒不應離母又如行道不離糧食如大熱時不

離涼風冷水如大寒時不欲離火如度深水不應離船

譬如病人不離良醫

大智度論
卷二十九

譬如盲跛相假能去

百論卷
上守八

相資

雷資風而益遠風假雷而增威

周易正
義恒

風薄相扶而上朋友相須而成

毛詩谷
風註

原也隔也以相與聚居之故故能定高下之名猶兄弟

相求故能立榮顯之名

鄭氏箋
詩棠棣

潤澤是雨之事但雨得風乃行則潤澤亦由風故易曰

潤之以風雨是風雨共為潤澤

毛詩正
義谷風

維生長之谷風能及於焚輪謂之頽使之旋轉而升是
風薄相扶而上也以興良朋能佐於善友使之道德益
進是朋友相率而成也

毛詩正義谷風

子不通功易事以羨補不足則農有餘粟女有餘布子
如通之則梓匠輪輿皆得食於子

孟子滕文公下

山海經云崇丘之山有鳥狀如鳧一翼一目相得乃飛

名云蠻

史記封禪書註

夫日譬猶火月譬猶水火則外光水則含景故月光生

於日之所照魄生於日之所蔽當日則光盈就日則光

盡也

後漢書志
天文上註

故不有行者誰扞牧圉譬若唇齒表裏相資

晉書明
帝紀

寇難至覺者告盲者盲者負而走兩人皆活得其所能

也故使盲者語使覺者走失其所也

淮南子
說山訓

夫善歌者使人續其聲善作者使人紹其功惟車之蟬
攫負子之教也周道之成周公之力也雖有裨諶之草
創無子產之潤色有文武之規矩而無周呂之鑿枘則

功業不成

監鐵論
非鞅

羊腸九縈相推併前

焦氏易林
履之師

軍有前後猶如捕獸一人捉角一人戾足

李善註文選
陳孔璋為袁

紹
檄

器之於事如影之隨形響之應聲其相須如左右手

太平

御覽兵部
叙兵器

氣之相守司也如權衡之不得相失也

黃帝素問內經
至真要天論

譬如一人能刈一人能束

三昧法門
經卷下

有慧無多聞是不知實相譬如大暗中有目無所見多

聞無智慧亦不知實相譬如大明中有燈而無目

大智度論

卷五

如一人種穀一人耘除衆穢令得增長果實成就

大智度論

卷二十九

如針導縫衣縫非針也

大智度論卷三十

但有月而無日則萬物濕壞但有日而無月則萬物焦

爛日月和合故萬物成熟

大智度論卷七十九

有待

鹿之奔走其勢宜疾今乃維足伎伎然安舒而稽留以待其牝鹿而俱走也雄雉之於朝旦雖然而鳴猶為求其雌雉而並飛也鹿雉猶得偶以俱遊

毛詩正義小弁

毛羽不豐滿者不可以高飛文章不成者不可以誅罰道德不厚者不可以使民政教不順者不可以煩大臣

戰國策秦

惠文君

雖有犀舟勁楫猶人涉邛否有須者也

後漢書張衡列傳

然荆玉含寶要俟開瑩幽蘭懷馨事資扇發

宋書臧
肅傳

譬乘舟之待楫象提釣之假縷

宋書謝
靈運傳

至乃趙儲之命宜永須扁鵲而後全齊后之數必延待

文摯而後濟

宋書顧
凱之傳

然霜葉將淪非勁颼無以速其穽天之所棄非假手無

以殲其人

魏書田
益宗傳

今羽翮未備不得不就籠檻

南史范
雲傳

管仲鮑叔相謂曰君亂甚矣必失國齊國之諸公子其

可輔者非公子糾則小白也與子人事一人焉先達者
相收管仲乃從公子糾鮑叔從小白國人果弑君小白
先入為君魯人拘管仲而放之鮑叔言而相之故諺曰
巫咸雖善祝不能自祓也秦醫雖善除不能自彈也以
管仲之聖而待鮑叔之助此鄙諺所謂虜自賣表而不

售士自譽辯而不信者也

韓非子
說林下

且夫百日不食以待梁肉餓者不活今待堯舜之賢乃
治當世之民是猶待梁肉而救餓之說也

韓非子
難勢

鼓不滅於聲故能有聲鏡不沒於形故能有形金石有

聲弗叩弗鳴管簫有音弗吹無聲

淮南子
詮言訓

足以屨者淺矣然待所不屨而後行智所知者褊矣然

待所不知而後明

淮南子
說林訓

次五黃菌不誕俟干慶雲測曰黃菌不誕俟速耦也

太玄

經第
三變

鳥須羽而飛矢須羽而前也

釋名

飾拭也物穢者拭其上使明由他物而後明猶加爻於

質上也

釋名

有果蓏之物在人之前去口一尺心欲食之口氣吸之不能取也手撥送口然後得之夫以果蓏之細員圖易轉去口不遠至誠欲之不能得也

王充論衡
變動篇

且夫懸象不麗天則不能揚大明灼無外嵩岱不託地則不能竦峻極概雲霄兔足因夷塗以騁迅龍艘汎激流以效速離光非燧人不熾楚金非歐冶不剡豐華俟發春而表艷棲鴻待衝颺而輕戾四嶽不明揚則有鯀

不登庸叔牙不推賢則夷吾不式厚

抱朴子外篇窮達

馬必待乘而後致遠醫必待使而後愈疾賢者待用而

後興理

意林物理論

寶劍未砥猶乏切玉之功美箭闕羽尚無衝石之勢况

才非會稽之竹質謝昆吾之金

藝文類聚職官部祭酒表

以為海之明珠未耀其光鳥之鳳凰羽儀未翔

何氏語林言語

謝承後

漢書

譬如雪山多諸藥草猶如種植處處出生有大良醫成

就明智知諸藥性差別功能隨病所須於中採取其諸
捕獵放牧之人遊止其中不見不止况能採取大方廣

經卷

八

譬如山谷響皆從衆緣生

無盡意菩薩經八

如影映光則現不映則無

大智度論卷六

譬如牛力雖能挽車要須御者能有所至

大智度論卷七

如象没泥非象不能出

大智度論卷二十九

法寶雖為佛師若佛不說法為無用如雖有好藥若無

良醫藥則無用

大智度論
卷三十

譬如深井美水若無綆者無由得水

大智度論
卷四十九

譬如惡風塵土諸熱毒氣等得雨則消滅

大智度論
卷五十五

譬如良藥能破眾病若不能將順則不除患非藥之失

又如瘳人雖得利器不能禦難非器之過

大智度論
卷六十五

如賈客大將雖乘快馬能疾到所止故待眾人

大智度
論卷八

三十

鐘鼓豈有自鳴者桴加而有聲矣

弘明集年
子理惑論

勝人

二人同術誰昭誰瞶二虎同穴誰死誰生

汲冢周書
周祝解

瓌以百口一擲出手得盧矣

南史張裕
永子瓌傳

狡勝賊能捕賊勇勝虎能捕虎能克己乃能成己能勝

物乃能利物能忘道乃能有道

關尹子
九藥

勇士一人雄入於九軍將求名而能自要者而猶若是

莊子德

充符

戰勝而天下曰善非善之善者也故舉秋毫不為多力

見日月不為明目聞雷霆不為聰耳古之所謂善戰者

勝於易勝者也

孫子軍形

子夏見曾子曾子曰何肥也對曰戰勝故肥也曾子曰

何謂也子夏曰吾入見先王之義則榮之出見富貴之

樂又榮之兩者戰於胃中未知勝負故臞今先王之義

勝故肥是以志之難也不在勝人在自勝也故曰自勝

之謂強

韓非子喻老

有提十萬之衆而天下莫當者誰曰桓公也有提七萬

之衆而天下莫當者誰曰吳起也有提三萬之衆而天

下莫當者誰曰武子也

尉繚子
制談

猶良驥騄耳之馱彼騫馬鬐興角逐何能紹吾氣哉

尉
繚

子制
談

大夫憮然內慚四據而不言當此之時順風承意之士
如編口張而不歛舉舌而不下闇然而懷重負而見責

大夫曰諾膠車修逢雨詣與諸生解

鹽鐵論
大論

君子之求勝也以推讓為利銳以自修為柵櫓靜則閉

嘿泯之玄門動則由恭順之通路是以戰勝而爭不形

敵服而怨不構

劉邵人物志釋爭

夫物之相勝或以筋力或以氣勢或以巧使小有氣勢

口足有便則能以小而制大大無骨力角翼不勁則以

大而服小

王充論衡物勢篇

夫人以刃相賊猶物以齒角爪牙相觸刺也力强角利

勢烈才長則能勝氣微爪短膽小距頓則服畏也

王充論衡

物勢

篇

人有勇怯故戰有勝負勝者未必受金氣負者未必得

木精也

王充論衡
物勢篇

惟正德以至道服之佞人我才辯奪之故能泥撓之也

莊子音
義則陽

三軍可奪氣將軍可奪心

李善註文選孫子
荆為石仲容書

齊之辯士田巴辯於狙丘議於稷下毀五帝罪三王訾

五伯離堅白合同異一日而服千人有徐劫者其弟子

曰魯連謂劫曰臣願得當田子使之不敢復談可乎徐

劫言之田巴曰劫弟子年十二耳然千里之駒也願得
侍議於前田巴曰可魯連曰臣聞堂上之糞不除郊草
不芸白刃交前不救流矢何則急者不救則緩者非務
楚軍南陽趙伐高唐燕人十萬之衆在聊城而不去國
亡在旦暮耳先生將奈何田巴曰無奈何魯連曰夫危
不能為安亡不能為存則無為貴學士矣今臣將罷南
陽之師還高唐之兵却聊城之衆為所貴談談者其若
此也先生之言有似梟鳴出聲而人惡之願先生之勿

復談也田巴曰謹聞教明日見徐劫曰先生之駒乃飛

兔騷裏也豈特千里哉於是朴口易業終身不復談

太平

御覽人事

部辯下

莊子謂惠子曰羊溝

闕鷄處

之雞三歲為秣

秣魁師也

相者視

之則非良雞也然數以勝人者以狸膏塗其頭也

雞畏狸故

也 事文

類聚闕雞

人有善於射而高於顧子顧子曰子之射雖百中猶不若我之以彈或曰何以為然顧子曰子之所射射狸之

皮耳我之所彈彈狐之心

太平御覽
工藝部彈

卒所謂金城湯池無可攻之勢

何氏語
林文學

如善射夫住所習處不為一切怨敵所伏能伏怨敵離

諸怖畏

波羅蜜多經
五百八十三

夫大刀者謂般若刀夫大劍者謂般若劍夫大力者謂

般若力是故般若波羅蜜多非諸惡魔所行境地

波羅
蜜多

經五百

九十九

譬如師子有大威力獨步無畏離驚恐故

金光明最勝
王經卷四

譬如幼童若男若女為大丈夫之所呵叱此幼男女於

後異時聞是人名驚恐怖畏

大寶積經卷二

譬如阿夜捷多鐵此鐵少分悉能毀壞一切餘鐵諸鈎

鎖縛

大方廣佛華嚴經卷五十九

如好礮石少分之力即能吸壞諸鐵鈎鎖

大方廣佛華嚴經卷七十

八

譬如貓狸纔見於鼠鼠即入穴不敢復出

大方廣佛華嚴經卷七十

八

如有礮石鐵若見之即皆散去無留住者

大方廣佛華嚴經卷七十

八

如一健兒破一切賊復更有人能破此健人

大智度論三十一

向者勅對並無遺力汝城隍嚴固攻者喪師

高僧傳七釋僧微

外國破敵得勝則豎勝幡道場降魔亦表其勝相也

什羅

譯維摩詰經佛道品

譬善射之人發無遺物雖輕翼迅逝不能翔其舍猶維

摩詰辯慧深入言不失會故五百應真莫敢闖其門

什羅

譯維摩詰

經弟子品

獅子吼無畏音也凡所言說不畏羣邪異學諭獅子吼

衆獸下之

僧肇註維摩
詰經佛國品

無方

吾聞宗廟之器不要華林之木四門之賓何必冠蓋之
族前賢有解韋索而佩朱韞舍徒擔而乘丹轂由此言

之何恤而無祿

晉書王
沈傳

秀異固產於方外不出於中域也是以明珠文貝生於

江鬱之濱夜光之璞出乎荆藍之下故以人求之文

王生於東夷大禹生於西羌

晉書華譚傳

命世天才經綸名教者不必華宗夏士撥煩理亂澄氣濟世者亦未必八索九丘五經之外冠冕之表復自有

人

晉書傅楹傳

琳琅出於崑嶺明珠生於海濱若必以地求人則文命大夏之棄夫姬昌東夷之擯士但當問其文彩何如不

可以區宇格物

晉書姚興上傳

十步之內必有芳草四海之內豈無奇秀

隋書帝紀
場帝上

馱屯犂牛既掣以櫛決鼻而羈生子而犧尸祝齋戒以

沈諸河河伯豈羞其所從出辭而不享哉

淮南子
說山訓

十步之澤必有香草十室之邑必有忠士

說苑
談叢

龍生無常或託空桑憑乘風雲為堯立功

關

人之善惡不必世族性之賢鄙不必世俗中堂生負苞

山野生蘭芷夫和氏之璧出於璞石隋氏之珠產於蜃

蛤詩云采葑采菲無以下體故苟有大美可尚於世則

雖細行小瑕曷足以為累乎

潛夫論
論榮

白雉貢於越暢草獻於宛雍州出玉荆陽生金珍物產

於四遠幽遼之地未可言無奇人也

王充論衡
超奇篇

毋驪犢駢無害犧牲祖濁裔清不榜奇人

王充論衡
自紀篇

鳥無世鳳皇獸無種麒麟人無祖聖賢物無常嘉珍

王充

論衡自

紀篇

士貴故孤興物貴故獨產文孰常在有以放賢是則醜

泉有故源而嘉禾有舊根也

王充論衡
自紀篇

丹華綠草不拘於曲痺之株紫芝芳秀不限於斤鹵之壤是以受玄圭以告成者生於四罪之門承厯數於文

祖者出於頑嚚之家

抱朴子外篇博喻

銳鋒產乎鈍石明火熾乎闇木貴珠出乎賤蚌美玉出乎醜璞是以不可以父母限重華不可以祖禰量衛霍

也

抱朴子外篇博喻

夜光之珠不必出於孟津之河盈握之璧不必採於崑崙之山大禹生於東夷文王生於西羗聖賢所出何必

常處

世說新語
語言語

弭仲叔高德美名命世之才也非弭氏小族所當有新

豐瘠土所當出也

藝文類聚
人部品藻

藁臺之壁少海之珠何必鄉里所在為貴

大苑英華徐
陵贈答中書

郭泰拔申屠子陵於漆工之中嘉許偉康於屠酤之肆

太平御覽

資產部肆

金生砂礫珠出蚌泥數茲窈窕產于卑微

初學記人
部短人註

丹泉之珠沈於黃泥璠璣之寶藏於裔石

初學記寶
器部珠註

然重華無嚴父放勛無令子亦各由已耳

何氏語林德行南史僧虔

戒子書

譬如樹名曰無根不從根生而枝葉華果悉皆繁茂

大方廣佛華嚴經卷七十八

譬如遮迦越羅與青衣交通却後生子具足成遮迦越

羅相雖從青衣生由為是遮迦越羅子也

佛遺日摩尼寶經推六

如伊蘭中牛頭梅檀如若種中生甘美菓

大智度論卷二

譬如服藥以除病為主不擇貴賤大小

大智度論卷十

譬如蓮花出自淤泥色雖鮮好出處不淨

大智度論卷十四

如練山石中而取於真金譬如伊蘭木相瑳便火出亦

如淤泥中生出青蓮華不觀所生處唯觀於德行

大莊嚴經

論卷

七

夫由余出自西戎輔秦穆以開霸業日磾生於北狄侍

漢武而除危害臣既有之師亦宜爾何必取同俗而捨

其異方乎


法苑珠林卷五十五

夫絕羣之駿非唯中邑之產曠代之珍不必諸華之物

漢求西域之名馬魏收南海之明珠貢犀象之牙角採
翡翠之毛羽物生遠域未可非珍佛出遐方柰何獨棄

法苑珠林

卷五十五



喻林卷二十七

欽定四庫全書

子部

喻林卷二十九

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣李斯咏

謄錄監生臣劉清澗

欽定四庫全書

翰林卷二十八

人事門二十六

才盛

明 徐元太 撰

肅肅兔宜椽之丁丁音爭赴赴武夫公侯干城 肅肅兔

宜施于中 達赴赴武夫公侯好仇 肅肅兔宜施于中

林赴赴武夫公侯腹心詩國風

視彼中原之野其諸禽獸大而甚有故儻儻然有趨者

俟俟然有行者其趨行或三三為羣或二二為友

毛詩正義

吉日

夫十步之間必有茂草十室之邑必有忠信是故亂殷

有三仁小衛多君子

後漢書王符列傳

方斯之際處士山積學者川流衣裳被宇冠蓋雲浮譬

猶衡陽之林岱陰之麓伐尋抱不為之稀藝拱把不為

之數悠悠罔極亦各有得彼採其華我收其實

後漢書崔駰列

傳

譬猶鍾山之玉泗濱之石累珪璧不為之盈採浮磬不

為之索

後漢書蔡邕列傳

方今朝士山積髦俊成羣猶鱗介之潛乎巨海毛羽之

集乎鄧林游禽逝不為之跹浮魴臻不為之殷

蜀志卻正傳

聞延陵之理樂觀吾子之治易乃知東南之美者非徒

會稽之竹箭也

吳志虞翻傳

自時厥後龍宗有麟鳳集有翼

華陽國志

信乃金相玉潤堊會川冲埒美前修垂裕來葉

晉書文苑傳

以八紘之廣兆庶之衆豈當無卓越雋逸之才乎譬猶

南海不少明月之寶大宛不乏千里之駒也

晉書華譚傳

始知天族多竒玉林皆寶

晉書慕容超傳

抱玉者連肩握珠者踵武

梁書鍾嶸傳

人謂得玄珠於赤水策奔電於崑邱開四照於春華成

萬寶於秋實

北齊書文苑傳

叅之有隋多士取其開物成務皆廊廟之榱桷亦北辰

之衆星也

隋書李諤史臣傳

造父攝轡馬無駕良皆可取道周公之時士無賢不肖

皆可與言至治

鹽鐵論
利議

伯虎仲熊德義洵美

焦氏易林
申之姤

大都王市稠人多寶

焦氏易林
損之革

乃屯敵我車前後千乘齊以玉爲車轄並馳左右言從

已者衆皆有玉德宜輔千乘之君也

王逸注楚辭離騷經

大國多良才譬海出明珠

曹子建
贈丁廙

千龍並馳萬驥徂征紛紜交競逝若流星

嵇中散集
卜疑集

經世之士悠悠皆是一日無君惶惶如也譬猶藍田之

積玉鄧林之多材良工大匠肆意所用亦何必棲魚而

沈鳥哉

抱朴子外
篇逸民

或以文藝而龍躍或以武功而虎踞

抱朴子外
篇自序

披其藪薄非無香草視其涯岍皆有潤珠

書品

崑山積瓊玉廣廈構衆材游鱗萃靈沼撫翼希天階

文選

潘尼贈王
元賦詩

家有千里驥而不珍焉人懷盈尺和氏而無貴矣

文選
曹植

與吳季
重書

龍德時乘羣才雲駭藹若鄧林之會逸翰爛若溟海之

納奔濤

補文選郭璞客傲

羈九有之竒駿咸總之於一朝豈惟豐沛之英南陽之

豪昆吾挺鋒驪驪軒髦杞梓競敷蘭蕙爭翹嚶聲冠於

伐木援類繁乎拔茅是以水無浪士巖無幽人刈蘭不

暇爨桂不給安事錯薪乎

補文選郭璞客傲

如彼和肆莫匪瓊瑤如彼儀鳳樂我雲韶

補文選潘尼釋奠頌

如彼崑山列此琚玉

藝文類聚歲時部三月三日詩

誠以鄧林昆吾翔鳳所棲懸黎和肆垂棘所集

藝文類聚治政

部薦舉書

今日之行觸目見琳琅珠玉

世說新語容止

才難

夫物之有材者其精華之蘊神明之所固護而祕惜不可以知力窺也蒙金以沙固玉以璞珠之所生漩桓之淵而隈澳之下也豫章榱栌之可以大斲者必在夫大

山窮谷孱顏嶮岵之區抉剔之倚撫之剝削之苟不中
于程度則有虎狼蛟螫虺蜴之變雷霆崩墜覆壓之虞
何以故天地之生材也實難其有以生也必有所用也

子華子
晏子

物以少者爲貴多者爲賤至於人事豈獨不然故藜藿
彌原而芝英不泄枳棘被野而尋木間秀沙礫無量而
珠璧甚尠鴻隼屯飛而鸞鳳罕出虺蜴盈藪而虬龍希

覲

抱朴子內
篇明本

累世一聖是繼踵千里一賢是比肩

意林
任子

伯樂教其憎者相千里馬教其愛者相駑馬以千里馬

世一有其利少駑馬多其利多也

藝文類聚
獸部馬

譬如大地少處出生金銀等寶多處出生沙石瓦礫

波羅

密多經五
百二十

譬如海寶無價者少餘寶甚多

華手經
卷二

驥及和氏以希為貴今若家有千里人懷盈尺即驥及

和氏寧得珍貴乎

李善註文選曹子
建與吳季重書

勞苦

辛苦之味入口猶困阨之事在身故謂殃厄勞役之事

爲辛苦也

尚書正義洪範

陟彼崔嵬我馬虺隤

音灰類

陟彼高岡我馬玄黃 陟

彼殂

音疽

矣我馬瘠

音塗矣

詩國風卷耳

肅肅鴉羽集于苞栩

音許

王事靡盬

音古

不能藝稷黍

肅

肅肅鴉翼集于苞棘王事靡盬不能藝黍稷 肅肅鴉行

杭音集于苞桑王事靡盬不能藝稻粱

詩國風鴉羽

娟娟

娟音

者蠟

蠟音

烝在桑野敦堆彼獨宿亦在車下

詩國風東

山

絲蠻黃鳥止于丘阿道之云遠我勞如何飲之食之教
之誨之命彼後車謂之載之 絲蠻黃鳥止于丘隅

絲蠻黃鳥止于丘側

詩小雅
絲蠻

何草不黃何日不行 何人不將經營四方 何草

叶戶
郎反

不立何人不矜 哀我征夫獨爲匪民 匪兕匪虎率

音

彼曠野哀我征夫朝夕不暇 有芄者狐率彼幽草

音

蓬者

有棧

上板反

之車行彼周道

詩小雅何草不黃

大東刺亂也東國困於役而傷於財譚大夫作是詩以

告病焉

毛詩大東

北山大夫刺幽王也役使不均已勞於從事而不得養

其父母焉

毛詩北山

君子仕於亂世其顏色瘦病如魚勞則尾赤

鄭氏箋詩汝墳

荼誠苦矣而君子於已之苦毒又甚于荼比方之荼則

甘如薺

鄭氏箋詩谷風

有杖然特生之杜猶得其時有皖然其實蕃滋得所我
君子獨行役勞苦不得安於室家以盡天性而生子孫

乃杖杜之不如

毛詩正義
杖杜

鴉鳥之羽飛而集于苞栩之上以興君子之人乃下從
于征役之事然鴉之性不樹止今乃集于苞栩之上極
爲危苦喻君子之人當居平安之處今乃下從征役亦

甚為危苦

毛詩正義
鴉羽

蝟蝟然者桑中之蠟蟲常久在桑野之中似有勞苦以

興敦敦然彼獨宿之軍士亦常在車下而宿甚為勞苦

毛詩正

義東山

有專專然繫綴於蔓者瓜也而其辨甚苦既繫苦於蔓似如勞苦而其辨又苦以喻君子繫屬於軍是事苦也

又憂軍事是心又苦也

毛詩正
義東山

役人若是野獸可常在外今非是兕非是虎何為久不

得歸常循彼空野之中與兕虎禽獸無異乎

毛詩正
義何草

有芄芄然而小者當狐也此狐本是草中之獸故可循

彼幽草今我有棧之輦車人輓以行此人本非禽獸何

為行彼周道之上常在外野與狐在幽草同乎毛詩正義何草

玄黃虺隤行者勞疲役夫憔悴喻時不歸焦氏易林乾之革

乘雲帶雨與飛鳥俱焦氏易林同人之泰

九里十山道却峻難牛馬不前焦氏易林咸之觀

踐履寒水十步九尋惟有苦痛不為病憂焦氏易林明夷之乾

隔在九山往來勞難焦氏易林睽之否

歷險登危道遠勞疲焦氏易林蹇之泰

道涉多阪牛馬蛇螮

焦氏易林
寒之既濟

驥疲鹽車出於銜筮

焦氏易林
夫之井

霄冥高山道險峻難王孫罷極困於阪間

焦氏易林
小過之頤

聖人憂世深思事勤愁擾精神感動形體故稱堯若腊

舜若赬桀紂之君垂腴尺餘

王充論衡
語增篇

枯桑無枝尚知天風海冰廣大尚知天寒君子行役豈

不離風寒之患乎

李善注文選飲
馬長城窟行

身如大火身如大風身如谷中響如水中影無暫安時

海空智藏
經供獻品

菩薩在樹下坐禪有一鳥一鴿一虺自相問何等為苦
鳥言飢最為苦何以知為苦飢不能行亦不能有所作
人坐飢餓死以是知飢為苦鴿言觸色為苦何以故知
色為苦人意念色無有終極人皆坐色死以是知色為
苦虺言獨瞋恚為苦何以故知瞋恚為苦人瞋恚無所
避欲自殺亦欲殺人故知瞋恚為苦

惟日雜
難經

危困

九三伏戎于莽升其高陵三歲不興

易同人

六五貞疾恒不死象曰六五貞疾乘剛也恒不死中未

亡也

易豫

初九履校滅趾无咎

易噬嗑

初六剥牀以足蔑貞凶

易剥

六二剥牀以辨蔑貞凶

易剥

六四剥牀以膚凶

易剥

上六過涉滅頂凶

易大過

初六習坎入于坎窞凶象曰習坎入坎失道凶也

坎易

上六係用徽纆寘于叢棘

坎易

初九壯于趾征凶有孚

易大壯

九三小人用壯君子用罔貞厲羝羊觸藩羸其角

易大壯

上六羝羊觸藩不能退不能遂无攸利艱則吉

易大壯

初九明夷于飛垂其翼

易明夷

六三見輿曳其牛掣其人天且劓无初有終

易睽

九三臀无膚其行次且厲

易姤

初六臀困于株木入于幽谷三歲不覿

易困

六三困于石據于蒺藜

易困

九四來徐徐困于金車

易困

上六困于葛藟于臲卼

易困

九三艮其限列其夤厲薰心

易艮

上九鳥焚其巢旅人先笑後號咷喪牛于易凶

易旅

剝額為天截鼻為剝既處二四之間皆不相得其為人
也四從上刑之故剝其額二從下刑之又截其鼻故曰

其人天且劓

周易正義

民畏紂之虐危懼不安若崩摧其角無所容頭

孔子傳書秦誓

中

中谷有推

吐雷反

暵其乾矣

音罕

中谷有推暵其修矣

中谷有推暵其濕矣

詩國風中谷有推

魚在于沼

叶音灼

亦匪克樂潛雖伏矣亦孔之炤

音灼詩小雅

正

相聲彼泉水載清載濁

叶殊反

我日構禍曷云能穀

詩小雅

月

巢之翹翹而危以其所託枝條弱也以喻今我子孫不

肖故使我家道危也

鄭氏箋
詩鷓鴣

狀如舟之流行無制之者不知終所至也

鄭氏箋
詩小弁

王無恩惠於天下天下之人如旱歲之草皆枯槁無潤

澤如樹上之棲苴

鄭氏箋
詩召旻

室如懸磬野無青草何恃而不恐

左傳僖公
二十六年

如魚窺尾衡流而方羊裔焉

左傳哀公
十七年

南夷與北狄交中國不絕若綫

公羊傳
公四年

服虔云庶得美草啾啾相呼至于困迫將死不暇復擇

善音急之至也

春秋正義文
公十六年

夫子之在此猶燕之巢於幕也

史記吳
世家

鷹隼橫厲鸞徘徊兮矰若浮焱動則機兮叢棘棧棧曷

可栖兮發忠亡身自繞罔兮寃頸折翼庸得往兮

前漢
書息

夫躬
傳

有一窮鳥戢翼原野罩網加上機穽在下前見蒼隼後

見驅者繳彈張右弇子毅左飛丸激矢交集於我思飛
不得欲鳴不可舉頭畏觸搖足恐墮內獨怖急乍冰乍

火

後漢書文苑列傳

細政苛慘科防互設矰繳充蹊阬穿塞路舉手挂網羅

動足蹈機埒

後漢書袁紹列傳

雖欲竭誠而盡忠路絕險而靡緣九重既不可啟又羣

吠之狺狺

後漢書文苑列傳

嚴文剋剥痛於霜雪張羅海內設置萬里逐臣者窮人

迹追臣者極車軌

後漢書寇恂傳論

閭闔九重陷穿步設舉趾觸罟置動行絳羅網

後漢書寇恂傳

論

創基冰泮之上立足枳棘之林

後漢書黃瓊傳

欲使墜萬仞之阨踐必死之地令陛下忽慈母之仁發

投杼之怒

後漢書寇恂傳論

將軍不覩盛衰之紀成敗之符譬如野火在原蹈履河

冰火滅冰泮將何所依附

蜀志呂覽傳

以累卵之身處雷霆之衝
繭粟之質當豺狼之路其見

吞噬豈抗脣齒

晉書王濬傳

雖茹荼之苦銜蓼之辛何以諭之

晉書荀丕記

今猶俎上肉任人膾截耳

晉書孔愉傳

至若蘭芷傾頓桂林移埴根萌未樹而牙淺弦急每恐

風波潛駭危機密發此所以怵惕於長衢也

晉書趙至傳

陵九折於印熨汎衝波於呂梁

宋書傅亮傳

將軍魚游於沸鼎之中燕巢於飛幕之上不亦惑乎

梁書

陳伯
之傳

延膠船而越水若朽索而乘奔

魏書李順希
仁弟騫傳

時無逸勒路盈推輪

魏書宗
欽傳

予一生而三化備荼苦而藜辛烏焚林而鍛翮魚奪水

而暴鱗

北齊書文苑
類之推傳

橫生瘡痍動挂網羅

北史周
本紀上

亡魂褫魄若牛兄之遇獸心戰色沮似葉公之見龍

隋書

盧思
道傳

莒客之踵躋焦原匹茲非險齊人之手執馬尾方此未

危

隋書盧
思道傳

戟既在脰劍既在心

晏子
雜上

荒飆怒號而獨秀者先隕霜露宵零而朱草立槁媾市
之徒又從而媒孽以髡搖之是以萌意於方寸未有毫
分也而觸機穿展布其四體未有以爲容也而得桎梏
懷抱其一槩之操泯泯默默而願有以試也而漫漫之
長夜時未旦也疾雷破山澍雨如霆雞喑於埒而失其

所以爲司晨也

子華子
神氣

今巨楚縣吾前大燕鱮吾後勁魏釣吾右西壤之不絕

若繩

荀子
疆國

今矰繳機而在上罟罾張而在下雖欲翱翔其勢焉得

淮南子
俶真訓

語曰五盜執一良人枉木惡直繩今欲下鉞石通關鬲則恐有盛胡之累懷鉞索艾則被不工之名狼跋其胡載躑其尾君子之路行止之道固狹耳此子石所以歎

息也

鹽鐵論
鐵鉞石

縞素不能自分於緇墨聖賢不能自理於亂世

鹽鐵論
非鞅

心憧憧若涉大川遭風而未薄

鹽鐵論
刺復

車傾蓋亡身常憂惶

焦氏易林
乾之屯

山險難登澗中多石車馳轄擊載重傷軸

焦氏易林
乾之謙

弱足剛跟不私出門市賈不利折亡為患

焦氏易林
乾之鼎

路多枳棘步刺我足

焦氏易林
屯之賁

蠆室蜂戶螫我手足不可進取為身害咎

焦氏易林
屯之明夷

雌單獨居歸其本巢毛羽憔悴志如死灰焦氏易林
需之否

蹇兔缺唇行難齒寒焦氏易林
訟之復

虎厲其牙以待犬猪往必傷殘摧敗無餘焦氏易林
訟之鼎

干旄旌旗執幟在郊雖有寶珠無路致之焦氏易林
師之隨

駕馮逐狐輪掛荆棘車不結轍公子無得焦氏易林
小畜之觀

轅折輪破馬倚僕卧焦氏易林
履之兆

濟深難渡濡我衣袴焦氏易林
泰之坤

戴石上山步跌不前焦氏易林
同人之小畜

雀行求食出門見鷓顛蹶上下幾無所處

焦氏易林大有之萃

庶求其子虎廬之里

焦氏易林隨之否

雞方啄粟為狐所逐走不得食惶怖惕息

焦氏易林蠱之升

賣袍續食糟糠不飽

焦氏易林復之觀

襦燒袴燔羸剝飢寒病症凍擊

焦氏易林復之益

鳥鳴葭端一呼三顛動搖東西危而不安

焦氏易林復之井

棘鈎我襦為絆所拘

焦氏易林坎之大有

深水難涉泥塗至轂牛罷不進浮陷為疾

焦氏易林坎之蠱

据棘履祀跌刺為憂

焦氏易林
坎之未濟

梁破橋壞水深多畏

焦氏易林
咸之師

九登十陟馬跌不前

焦氏易林
恒之姤

路多积棘前刺我足

焦氏易林
遯之艮

左有噬熊右有噬虎前觸鋌矛後躓强弩無可抵者

焦氏

易林大壯
之大壯

東行食榆困於枯株

焦氏易林
晉之睽

鷹飛雉退兔伏不起狐張狼鳴野雞驚駭

焦氏易林
睽之大壯

水深難遊霜寒難涉

焦氏易林
解之震

張羅百目鳥不能北縮頸掛翼困於窘國

焦氏易林
蹇之頤

席多針刺不可以卧為身作累動而有悔

焦氏易林
困之困

虎饑欲食見蝟而伏

焦氏易林
鼎之渙

鳥飛无羽雞鬪折距

焦氏易林
節之大過

焦逆許而順守之雖辯劇虎牙矣

揚子
重黎

次八足纍纍其步蹉躓

太玄經
第一差

次八升于高危或斧之梯測曰升危斧梯失士民也

太玄

經第一上

次八頸加于矧維網翌其繩測曰頸加維網無自勞也

太玄經
第四述

次七翕繳惻惻測曰翕繳惻惻被離害也

太玄經
第五翕

次六方輪廣軸坎軻其輿測曰方輪坎軻還自震也

太玄

經第六止

次八涉于霜雪纍項于鄰思粟切測曰纍項于鄰亦不足

生也

太玄經
第六第

次六大車川川上較于山下觸于川測曰大車川川上

下較也

太玄經
第六難

次五出野見虛有虎牧豬攘袴與襦測曰出野見虛無

所措足也

太玄經
第六劇

懼煙炎之燬燔何光芒之敢揚哉

蔡中郎
集釋誨

言天有虎豹地有土伯東有長人西有赤蟻南有雄虺

北有增水皆為姦惡以賊害已也

王逸註楚
辭招魂

言已居於衰亂之世常低頭俛視若以背肩負擔丈尺

而步不敢伸要仰首以遠罪過也

王逸註楚辭哀時命

言已居常怖懼若附强弩機臂畏其妄發上恐牽聯於

堆躬身被矰繳也

王逸註楚辭哀時命

舉挂時網動亂國經

曹子建責躬

不見籬間雀見鷄自投羅

曹子建野田黃雀行

烏盡良弓藏謀極身心危

嵇中散集凡秀才公穆入軍贈詩

雙鸞匿景曜戢翼太山崖抗首漱朝露晞陽振羽儀長

鳴戲雲中時下息蘭池自謂絕塵埃終始永不虧何意

世多難虞人來我疑雲網塞四區高羅正參差奮迅勢

不便六翮無所施隱姿就長纓卒為時所羈

嵇中散集
兄秀才公

穆入軍
贈詩

立刻鋒之端登方崩之山非所以延年長世遠危之術

抱朴子外
篇良規

竅枯之木而當衝風故振

太玄經第
二爽解

蹇蹇

音

困

古淵
字

夤

音

顛

音

靡

音

返

音

靡

憩於險間愀然很

很

同然

傳曰

蹇

困

困

水之深也

夤

顛

山之高也。君靡返礙乎山也。統靡遷限乎險也。

元包少陰

禽獸驚走得草則伏。遇木則栖。非其常處。苟寄而居。值

穴而託。為人窮迫之意。

李善註文選西京賦

在木闕不材。故匠者時盼。在雁乏善。鳴故不免。饌賓也。

李善註文選盧子諒贈劉琨詩

根萌未樹。故恐風波。潛駭牙淺。弦急故懼危。機密發

李善

注文選趙景真與嵇茂齊書

鳥不擇木。獸不擇音。

文選吳都賦

危素卵之累殼甚玄燕之巢幕心戰懼以兢悚如臨深

而履薄

文選西
征賦

擗白刃以萬舞危久葉之待霜履虎尾而不噬實要伯

於子房

文選西
征賦

身寄虎吻危同朝露

文選桓元子
薦譙元彥表

鳳鳴高岡以遠爵羅賢聖之德也鷄鳩之鳥巢于葦苕

茗折子破下愚之惑也今江東之地無異葦苕諸賢處

之信亦危矣

文選陳琳檄
吳將校文

洪波振壑川無恬鱗驚颿拂野林無靜柯何者勢弱則

受制于巨力質微則莫以自保

文選殷仲文自解表

翔鳳嬰籠檻騏驥見維縶

文選潘尼迎大駕詩

昔如韝上鷹今似檻中猿

文選鮑明遠東武吟

綿綿女蘿施于松標稟澤洪幹晞陽豐條根淺難固莖

弱易彫操皮纖質承此衝颺

文選盧諶贈劉琨詩

如彼危根當此衝颺

文選潘岳楊仲武誄

矰弋機而在上兮爵羅張而在下設張辟以娛君兮願

側身而無所補文選屈
原惜誦

負擔荷以丈尺兮欲伸要而不可得外迫脅於機臂兮

上牽聯於矰雉音弋
補文選
莊忌哀時命

雖魚鳥之欲安駭風川而回薄補文選謝
眺酬德賦

奚異涉海之失柁積薪而待然補文選趙
壹疾邪賦

若憑舟之失棹譬緣厓而無攀補文選陶
潛閒情賦

執朽轡以御逸駟承勁風以握秋蓬補文選曹
暉對儒

如箸弊絮在荆棘中觸地挂闕世說新
語排詞

白刃交前不救流矢

意林魯
連子

十里九坎牛馬低昂

意林太
玄經

輿中塗以回畔兮駟馬驚而橫奔執組者不能制兮必

折輓而摧轅

楚辭劉
向逢紛

下堂兮見蠶出門兮觸蜂巷有兮蚰蜒邑多兮螳螂

楚辭

王逸
傷時

危光似燭察命如絲

藝文類聚職
官部儀同表

譬懸厨之獸如離繳之鳥將充庖鼎以餌鷹鷄

藝文類
聚人部

言志
書

真欲令三泉之下復鎮之以大石厄乎此時也

藝文類聚人部

別下
書

雖事異鑽皮文非刺骨猶復因茲舌杪成此筆端

藝文類聚

人部言
志書

枯枝葉易零疲客心易驚

藝文類聚歲時部秋詩

騏驥負鹽車垂頭於太行之坂屠者持刀睨之

藝文類聚獸部

馬

推直轡於三危碎平途於九折

文苑英華庚信志一賦

同冰魚之不絕似蟄蟲之猶蘇良可哀也

文苑英華徐陵贈答上書

卧薪待火方此弗危繫草從風儔之非切

文苑英華徐陵贈答上書

塗艱行易跌命舛志難逢

文苑英華沈約悲悼一詩

累慕十二方此未危懸縷千鈞比斯非切

文苑英華陳隋撤陳尚

文書

乘奔牛驚馬未足諭其嶮墜矣

漢武帝外傳

譬如有人曾行劫盜王所訪括其人惶恐竊入市鄽於

雜鬧處欲自藏隱正值其中搖鈴聲鼓宣王教令欲相
掩捉彼人爾時更無餘想唯作是念勿我今時為他識

知而見擒繫

波羅蜜多經
卷五百八十

譬如無夫之婦無不陵易者

放光波
羅蜜經

譬如生育羣狗逼逐臨大坑湖

大寶積經
四十一

譬如野干於彼塚間為諸羣狗之所搏逐逃迸走避臨

大峻崖窮途所逼夜中嗥叫

大寶積經
四十一

如箭著身觸之則痛

大寶積經
卷九十六

猶如商人失其徒侶猶如涉海舟船破壞亦如有人失如意珠又如危峰朽壞之樹為彼猛風搖動吹擊復如

龍子為金翅鳥之所銜啄

大寶積經卷一百二十

如小綿丸小劫貝華丸置四衢道頭四方風吹則隨風

去向於一方

雜阿含經卷十五

時有一人遊於曠野為惡象所逐怖走無依見一空井傍有樹根即尋根下潛身井中有黑白二鼠互齧樹根於井四邊有四毒蛇欲螫其人下有毒龍心畏龍蛇恐

樹根斷樹有蜂蜜五滴墮口樹搖蜜散下螫斯人野火
復來燒然此樹曠野者喻於無明長夜曠遠言彼人者
喻於異生象喻無常井喻生死險岸樹根喻命黑白二
鼠以喻晝夜齧樹根者喻念念滅其四毒蛇喻於四大
蜜喻五欲蜂喻邪思火喻老病毒龍喻死是故當知生
老病死甚可怖畏常應思念勿被五欲之所吞迫

佛說
譬喻

十
經當

譬如大風鼓扇林樹枝柯相振又如失水之魚宛轉在

地又如斬截大樹崩倒狼籍

須摩提長者經救亡

如惡瘡痂難合其竅痛不可忍

大乘經上

見於生死諦如水漂岸樹

修行道地經慈品

譬如險岸大樹上有大風下有大水崩其根土誰當信

此樹得久住者

三昧法門經卷上

譬如人噎既不得吐又不得咽

龍樹菩薩傳籍十

驚怖墮床如熱沙中魚

大智度論卷三

我今如在秤低昂墮死處

大莊嚴經論卷九偈

譬如燒利劍火光耀入眼執之在側欲以相害於念念

中恒生大怖畏

隨相論
卷上

喻林卷二十八

欽定四庫全書

喻林卷二十九

明 徐元太 撰

人事門 二十七

隱禍

氣狡憤於外則血脈必周身而作隨氣張動外雖有彊

形而內實乾竭

杜氏解左傳
僖公十五年

吾恐季孫之憂不在顛臾而在蕭牆之內也

論語
季氏

驪姬使優施飲里克酒歌曰暇豫之吾吾不如烏烏人

皆集於苑已獨集於枯

國語
晉

嚙嚙之德不足就也不可以矜而祇取憂也嚙嚙之食

不足狃也不能為膏而祇離咎也

國語
晉

毒之猶腊者其殺也滋速

國語
鄭

雖有烏獲逢蒙之伎力不得用枯木朽株盡為害矣是

胡越起於轂下而羌夷接軫也豈不殆哉

史記司馬
相如傳

禍固多藏於隱微而發於人之所忽者也故鄙諺曰家

累千金坐不垂堂此言雖小可以喻大

史記司馬
相如傳

霍顯之謀將行於杯杓荆軻之變必起於帷幄前漢書息夫躬

胡貊守關青徐之寇在於帷帳矣後漢書范升傳

禍生肘腋釁起蕭牆北史周本紀上

壞我法者必在子孫譬如猛獸物不能害反爲毛間蟲

所損食耳北史隋宗室諸王庶人秀傳

張軍衛外禍反在內所備甚遠賊在所愛鷓冠子道端

秦之有韓若人之有腹心之病也虛處則恢然若居濕

地著而不去以極走則發矣

韓非子
存韓

日月暈圍於外其賊在內備其所憎禍其所愛

韓非子
備內

譬如伏虎見便必動將何時已

賈子新書
威不信

夫孫叔敖之請有寢之丘沙石之地所以累世不奪也

晉厲公之合諸侯於嘉陵所以身死於匠驪氏也衆人

皆知利利而病病也惟聖人知病之爲利利之爲病也

夫再植之木根必傷掘藏之家必有殃以言大利而反

爲害也

淮南子
人間訓

死不再生窮鼠齧狸匹夫奔萬乘舍人折弓

鹽鐵論
詔聖

憂在腹內山崩爲疾禍起蕭牆竟制其國

焦氏易林
豫之隨

衆兎俱走雄羆在後

焦氏易林
豫之漸

內畔生賊自爲心疾

焦氏易林
遯之明夷

次七阻

切居子
與二切

阻間于蘧除或寢之廬測曰阻阻之間

惡在舍也

太玄經
第一間

次八狼盈口夫

即夫
字

在其後測曰狼盈口不顧害也

太玄

經第
二爭

上九濕迎牀足孛于牆屋測曰濕迎牀足顛在內也

太玄

經第四迎

初一骨累其肉內幽測曰骨累其肉賊內行也

太玄經第八劇

汝獨不見蛛之結網于屋梁之隅中坐而待食自以爲安及棟梁朽而椽題傾蛛乎雖欲寄一絲以聊適不可

獲矣

天祿閣外史論易

務於遠者或失於近治其外者或患生乎內覆頭者不
必能令足不濡蔽腹者不必能令背不傷故秦始築城

遏胡而禍發帷幄漢武懸旌萬里而變起蕭牆

抱朴子
外篇廣

譬

夫虎豹以其形容修廣爪牙堅強肌膚盛大毛物豐文
章明故執百獸而制於人榮華香草以其所有光曜芬
香故悅於衆俗而傷其根大國之君以其地廣民衆勢
尊形寵威隆名顯故張其鄰國而危其身有道則固於
磐石寧於太山失道則危於累卵輕於鴻毛俱弱則先
困俱亂則先亡是故大國者霸王之梯而亡滅之階也

道德經指

歸卷十

師子身中自生諸蟲還食其肉

大寶積經卷一百十三

有一貓狸飢渴羸瘦於孔穴中伺求鼠子有時鼠子出穴遊戲時被貓狸疾取吞之鼠子身小生入腹中入腹中已食其肉藏食內藏時貓狸迷悶東西狂走空宅塚

間不知何止遂至於死

雜阿含經卷四十七

猶若以灰覆火人不覺足往蹈之漸漸熱徹乃知燒足

出曜經八行品

譬如灰下火猶能燒萬物

本緣經毘羅摩品

橫禍

六三无妄之災或繫之牛行人之得邑人之災

易无妄

六五喪羊于易无悔

易大壯

凡禍疾所起由有妄而來今九五居得尊位爲无妄之

主下皆无妄而偶然有此疾害故云无妄之疾也

周易正義

无妄

誰謂雀無角何以穿我屋

誰謂鼠無牙何以穿我墉

詩國風
行露

有兔爰爰雉離于羅

有兔爰爰雉離于罟

音孚叶
步妙反

有兔爰爰雉離于罟

音衝
國風兔爰詩

伐木猗

音已叶
居何反

矣析薪施

音侈叶
湯何反

矣舍彼有罪予之佗

音唾叶
湯何反矣詩小雅
小弁

長木之斃無不標也國狗之瘼無不噬也

左傳哀公
十二年

齊人諺曰上山斫檀榎楹先殫

爾雅釋
木註

臣隣家有遠為吏者其妻私人其夫且歸其私之者憂

之其妻曰公弗憂也吾已爲藥酒以待之矣後二日夫至妻使妾奉卮酒進之妾知其爲藥酒也進之則殺主父言之則逐主母乃陽僵棄酒主父大怒而笞之妾之棄酒上以活主父下以存主母也忠至如此然不免於笞此以忠信得罪者也臣之事適不幸而有類妾之棄

酒也

戰國策
燕易王

矯翮南辭翻栖火樹飛鱗北逝卒委湯池遂使穴碎雙龍巢傾兩鳳激浪之心未騁遽骨修鱗凌雲之意將騰

先灰勁翮望其翔躍焉可得哉

晉書陸機列傳

所謂火烈高原芝蘭同泯

梁書武帝紀

爾乃獠狗逐而華子奔厲鼠遺而虞氏滅匣獲逸而林

木殘櫝珠亡而池水竭

宋書顧愷之傳

火燎孟諸芝艾同爛河決金隄淵丘同體

宋書袁湛傳

宋有澄子者亡緇衣求之塗見婦人衣緇衣援而弗舍

欲取其衣曰今者我亡緇衣婦人曰公雖亡緇衣此實

吾所自爲也澄子曰子不如速與我衣昔吾所亡者紡

緇也今子之衣禪緇也以禪緇當紡緇子豈不得哉

呂氏

春秋
淫辭

楚王亡其猿而林木爲之殘宋君亡其珠池中魚爲之

殫故澤失火而林憂

淮南子
說山訓

子路宰我生不逢伯樂之舉而遇狂屠故君子傷之

鹽鐵

論訟
賢

從風放火荻芝俱死

焦氏易林
乾之小過

鵲巢柳樹鳩奪其處

焦氏易林
豫之晉

作室山根人以為安一夕崩顛破我壺殮

焦氏易林
賁之明夷

張網捕鳩鳥麗其災雌雄俱得為網所賊

焦氏易林
賁之歸妹

堂桑折衡佐鬪者傷暴臣失國良臣被殃

焦氏易林
咸之解

雀行求粒誤入網罟

焦氏易林
益之革

張網捕鳩兔離其災

焦氏易林
歸妹之節

上九破壁毀圭曰竈生鼃天禍以他測曰破壁毀圭逢

不幸也

太玄經
第六窮

立巖墻之下為壞所壓蹈坵岍之上為崩所墜輕遇無

端故爲不幸

王充論衡
幸遇篇

江南數郡有畜蠱者主人行之以殺人行食飲中人不

覺也其家絕滅者則飛遊妄走中之則斃

李善注文選
鮑明遠苦熱

行

不見巫山火芝艾豈相離

廣文選張孟
陽招隱詩

億兆與崑岡並燎縉紳與蘊崇共日

藝文類聚帝王
部梁武帝勅

宋城門失火因汲池水以沃灌之池中空竭魚悉露死

喻惡之滋并中傷良謹也

藝文類聚
鱗介部魚

宋桓司馬有寶珠獲罪出亡王使人問珠之所在曰投
之池中於是竭池而求之魚盡死焉此言禍福之相及

也藝文類聚
寶部珠

河傾一作流酸棗杞梓與檇櫟俱流海淺蓬萊魚鼈與一作

共蛟龍共一作盡文苑英華庚
信雜銘銘

將恐程門實霜梧檟與檇櫟同凋崑山火燎天球共砥

砥俱燼文苑英華周
宣帝檄一

時有一婦人焰穀作麩有祥抵來把焰麥不可柰何捉

擿火杖用打牴杖頭有火著羊毛住羊毛得火熱用
措象廐象廐火然并燒王象象身爛破便殺獼猴用拍
象身天於空中而說偈言瞋恚鬪諍邊不當於中止羯
羴共相抵蠅蟻於中死婢具牴鬪獼猴而坐死智者
遠嫌疑莫與愚人止

菩薩本行
經卷中

昔有一婢稟性廉謹常爲主人典炒麥豆時主人家有
一羴羊伺空遂便噉食麥豆斗量折損爲主所瞋信已
不取皆由羊噉緣是之故婢常因嫌每自杖捶用打羴

羊羊亦含怒來舐觸婢如此相犯前後非一婢因一日
空手取火羊見無杖直來舐婢緣急故用所取火著
羊脊上羊得火熱所在觸突焚燒村人延及山野于時
山中五百獼猴火來熾盛不及避走即皆一時被火燒

死

雜寶藏
經卷八

奚獨喪蟻池空遂使亡狙林盡

辯正論
卷一

孤立

日之熱恒在日中之後道東之杜人所宜休息也今人

不休息者以其特生陰寡也武公初兼其宗族不求賢

者與之在位君子不歸似乎特生之杜然

鄭氏箋詩有杜之杜

有杖然特生之杜生於道路之左人所宜休息今日所以人不休息者由其孤特獨生陰涼寡薄故也以興武公一國之君人所宜往仕今日所以人不往仕者由其

孤特為君不求賢者故也

毛詩正義有杖之杜

譬彼內傷病之木以內疾之故是用無枝也

毛詩正義小弁

彼堂堂然光明者華也此華乃芸然其色黃而盛矣以

興顯著者君也此君其德彰而明矣華盛而不言其葉

見君明而其臣不賢

毛詩正義
裳裳者華

徒鼓瑟謂之步徒吹謂之和

胡卧切

徒歌謂之謠徒擊鼓

謂之嘏

五各切

徒鼓鐘謂之修徒鼓磬謂之寒

音寒爾雅

深厲淺揭隨時為義曾何貪於支離而習其孤技邪

後漢

書張衡

列傳

越俗易驚孤音少和直轡安歸高謀誰佐

後漢書荀彧列傳論

受堯之誅不能稱堯直臣無黨古今所悉

晉書劉毅傳

夫獨構之唱唱虛而莫和

晉書王湛坦之傳

昔有一國國中一水號曰狂泉國人飲此水無不狂唯國君穿井而汲獨得無恙國人既並狂反謂國主之不狂為狂於是聚謀共執國主療其狂疾火艾針藥莫不畢具國主不任其苦於是到泉所酌水飲之飲畢便狂君臣大小其狂若一衆乃歡然我既不狂難以獨立此

亦欲試飲此水

宋書袁粲傳

公無黨援譬如水間一堵墻大危矣

隋書元諧傳

女嬃言衆人皆佩薺葉皋已為讒佞之行滿於朝廷而獲富貴汝獨服蘭蕙守忠直判然離別不與衆同故斥

棄也

王逸注楚辭離騷經

言已使鳳鳥往求同志之士欲與俱共事君反見邪惡之人相與屯聚謀欲離已又遇佞人相肆來迎欲使我

變節以隨之也

王逸注楚辭離騷經

言東風飄然而起則神靈應之而雨以言陰陽相感風雨相和屈原自傷獨無與和也

王逸注楚辭九歌

然不親金雖克木而錐鑽不可以伐鄧林水雖勝火而升合不足以救焚山寸膠不能治黃河之濁尺水不能却蕭丘之熱是以身名並全者甚稀而先笑後號者多

有也

抱朴子外
篇嘉遜

夫丸泥已不能遏彭蠡之沸騰獨賢亦焉能反流遁之

失正

抱朴子外
篇安貧

升水不能救八藪之燔蕪撮壤不能遏砥柱之沸騰寸

刃不能利長洲之林獨是不能止朋黨之非

抱朴子外
篇廣譬

發音則響與俗乖抗足則跡與衆迂

抱朴子外篇自敘

昔余夢登天兮魂中道而無抗吾使厲神占之兮曰有

志極而無旁

楚辭九章惜誦

簞菜施以盈室兮判獨離而不服

文選屈原離騷經

徒樂枕經藉書紆體衡門上無所蒂下無所根

文選班固答賓

戲

似孤臣之介立隨排擠之所往內一志以奉朝兮外結心以絕黨萍出水而主枯兮士失據而身往覩斯草而

慷慨兮固知直道之難爽

廣文選夏侯
孝若浮萍賦

鷹隼厲天翼恥與燕雀遊

廣文選傅林
奕長歌行

直木無陰直士無徒是以賢人直士常不容於世

意林
任子

孔文舉金性太多木性不足背陰向陽雄倬孤立

意林
士緯

宋玉識音而善文襄王好樂而愛賦既美其材而憎其

似屈原也乃謂之曰子盍從楚之俗使楚人貴子之德

乎對曰昔楚有善歌者王其聞與始而曰下里巴人國

中唱而和之者數萬人中而曰陽阿採菱國中唱而和

之者數百人既而曰陽春白雪朝日魚麗含商吐角絕節赴曲國中唱而和之者不過數人蓋其曲彌高其和

彌寡

藝文類聚
樂部歌

猶如犀牛獨一無侶

虛空孕菩
薩經卷上

極反

白賁无咎上得志也

易賁

物積而後始極既極而後方衰從旦積暖故日中之後乃極熱從昏積涼故半夜之後始極寒

毛詩正義
有杖之杜

極則美先盡矣美盡必有惡生故美盡則生疾

春秋正義昭公

元

日極則反月滿則虧極之徒反滿之徒虧巨之徒滅孰

能已無已乎効夫天地之紀

管子白心

恩甚則怨生愛多則憎至

亢倉子用道篇

目將眇者先睹秋毫耳將聾者先聞蚋飛口將爽者先

辨淄澠鼻將窒者先覺焦朽體將僵者先亟犇佚心將

迷者先識是非故物不至者則不反

列子仲尼

東海之極水至而反夏熱之下化而爲寒

呂氏春秋君守

有知順之爲倒倒之爲順者則可與言化矣至長反短

至短反長天之道也

呂氏春秋似順

草木壯極則枯落人壯極則衰老也言強者不可以壯

河上公注老子儉武

春夏陽氣躁疾於上萬物盛大極則寒寒則零落死亡

也

河上公注老子洪德

壯不可極極則敗物不可極極則反

京氏易傳大壯中

高山崩顛丘陵爲溪

焦氏易林
蹇之咸

次八極陽徵陰不移日而應測曰極陽徵陰應其發也

太玄經
第三應

上九陰陽啟啓

音叱

其變赤白測曰陰陽啟啓極則反也

太玄經
第六闕

陰不極則陽不生亂不極則德不形

太玄經
太玄文

極睽而合極異而通故先見怪焉洽乃疑亡也

周易畧
例卦畧

然樂極則哀集至盈必有虧故曲終則歎發醮罷則心

悲也實理勢之攸召猶影響之相歸也

抱朴子內篇暢玄

陽勝則熱陰勝則寒重寒則熱重熱則寒

黃帝素問內經陰陽應象

大論

物壯則老兵強則衰

道德經注疏卷三

夫行迷則改路術窮則反故

弘明集牟子理惑論

反本

上九白賁无咎

易賁

昔日貴雕飾今尚儉與素昔日多纖介今去情與故

宋書

樂四志

物生於土終變於土事生於意終變於意

闕尹子五鑑

天下莫相憎於膠漆而莫相愛於冰炭膠漆相賊冰炭相息也墻之壞愈其立也冰之泮愈其凝也以其反宗

淮南子說山訓

夫五色雖明有時而渝豐交之木有時而落物有成衰不得自苦故三王之道周則復始窮則反本

韓詩外傳

將入之日既赤且黃若初出之時也故曰用視其始

太玄

經第五
視解

三王之統若循連環周則復始窮則反本

文選西
征賦注

如尺蠖尋條安前足進後足盡樹端更無所依止還歸

本處

大智度論
卷六十六

難全

松柏之下其草不殖

左傳襄公
二十九年

神龜知吉凶而骨直空枯日爲德而君於天下辱於三
足之烏月爲刑而相佐見食於蝦蟆蝟辱於鵲騰蛇之

神而殆於即且竹外有節理中直空虛松栢為百木長
而守門閭日辰不全故有孤虛黃金有疵白玉有瑕事
有所疾亦有所徐物有所拘亦有所據罔有所數亦有
所疎人有所貴亦有所不如可而適乎物安可全乎
天尚不全故世為屋不成三瓦而陳之以應之天

史記
龜策

傳

明有所不見聽有所不聞人雖賢不能左畫方右畫圓
日月之明而時蔽於浮雲羿名善射不如雄渠蠡門禹

名爲辯智而不能勝鬼神

史記龜策傳

晝長則宵短日南則景北天且不堪兼况以人該之

後漢

書張衡

列傳

鳳闕司晨之功火無內照之美

梁書元帝紀

佼麗之苦窳也而醜則堅牢華壁之易以碎也而金鐵

則難陶甚矣物之不可以全也如是

子華子大道

天地無全功聖人無全能萬物無全用故天職生覆地職形載聖職教化物職所宜然則天有所短地有所長

聖有所否物有所通

列子
天瑞

目能視手能操目之與手所任各異故曰其異任也目
自不能見于堅不可以手代目之見堅手自不能知於
白亦不可以目代手之知白故曰其無以代也

公孫龍
子堅白

論註

以全舉人固難物之情也尺之木必有節目寸之玉必
有瑕璣先王知物之不可全也故擇務而貴取一也

呂氏

春秋
舉難

魯人有公孫淖者告人曰我能起死人人問其故對曰
我固能治偏枯今吾倍所以為偏枯之藥則可以起死
人矣物固有可以為小不可以為大可以為半不可以

為全者也

呂氏春秋別類

火燭一隅則室偏無光骨節早成空竅哭歷身必不長

呂氏春秋士容

察一曲者不可與言化審一時者不可與言大日不知
夜月不知晝日月為明而弗能兼也唯天地能函之

淮南

子綏
稱訓

羽翼美者傷骨骸枝葉美者害根莖能兩美者天下無

之也

淮南子
詮言訓

小謹者無成功訾行者不容於衆體大者節疏蹠距者

舉遠自古及今五帝三王未有能全其行者也

淮南子
汜論訓

月照天下飴於詹諸騰蛇游霧而殆於螂蛆烏力勝日

而服於鶴禮能有修短也

淮南子
說林訓

衣成則必缺衽宮成則必缺隅屋成則必加指示不成

者大道然也

韓詩外傳

意不並銳事不兩隆盛於彼者必衰於此長於左者必

短於右意夜卧者不能早起也

說苑談叢

子獨不聞和氏之璧乎價重千金然以之間紡曾不如

瓦墼隋侯之珠國之寶也然用之彈曾不如泥丸騏驎

驟駟倚衡負輓而趨一日千里此至疾也然使捕鼠曾

不如百錢之狸干將鎡鄒荆鐘不錚試物不知揚刃離

金斬羽契鐵斧此至利也然以之補履曾不如兩錢之

雖今子持楫乘扁舟處廣水之中當陽侯之波而臨淵
流適子所能耳若誠與子東說諸侯王見一國之主

子之蒙蒙無異夫未視之狗耳

說苑
雜言

太公田不足以償種漁不足以償網治天下有餘智文
公種米曾子駕羊孫叔敖相楚三年不知軛在衡後務
大者固忘小智伯厨人亡炙選而知之韓魏反而不知
邯鄲子陽園人亡桃而知之其亡也不知務小者亦忘

大也

說苑
雜言

夫尺有所短寸有所長驂騶騶驥天下之駿馬也使之與狸馳試於釜竈之間其疾未必能過狸馳也黃鵠白鶴一舉千里使之與燕服翼試之堂廡之下廬室之間其便未必能過燕服翼也辟閭巨闢天下之利器也擊石不缺刺石不銼使之與管橐決日出昧其便未必能過管橐也由此觀之華髮墮顛與邛何以異哉

新序雜事五

噴以牙者童其角擘以翼者兩其足

太玄經
太玄祝

稻穀千鍾糠皮大半閱錢滿億穿決出萬大羹必有澹

味至寶必有瑕穢大簡必有大好良工必有不巧

王充論衡

自紀
篇

明白之士達動之機而暗於玄慮玄慮之人識靜之原而困於速提猶火日外照不能內見金水內映不能外

光二者之義蓋陰陽之別也

劉邵人物志九徵

夫體適於一方者造餘塗則闕矣王弼曰形必有所分聲必有所屬若溫也則不能涼若宮也則不能商

張湛注列

子天
瑞

他人之所念慮蚤蟲之所首向隔牆之朱紫林下之草芥匣匱之書籍地中之寶藏豐林邃藪之鳥獸重淵洪潭之魚鼈令周孔委曲其采色分別其物名經列其多

少審實其有無未必能盡知

抱朴子內篇辯問

騷裊能奮蘭筋以絕景而不能履冰以乘深猛虎能似雷霆以搏噬而不能踊雲霧以凌虛鴻鷄不能振翅於籠罩之中輕鷄不能雷擊於九筵之下物既然矣人亦如之故能調和陰陽者未必能兼百行修簡書也能教

五邁九者不必能全小潔經曲碎也

抱朴子外
篇備闕

天不能平其西北地不能隆其東南日月不能擣光於
曲穴衝風不能揚波於井底擣齒則松櫟不及一寸之
筵挑耳則棟梁不如鷦鷯之羽彈鳥則千金不及丸泥
之用縫緝則長劍不及數分之針何必伏巨象而捕鼠
制大鵬以司晨乎

抱朴子外
篇備闕

尋飛繩景之足而不能騁逸放於呂梁凌波泳淵之屬
而不能陟峻而攀危故離朱剖毫於百步而不能辨八

音之雅俗子野合通靈之絕響而不能指白黑於咫尺

抱朴子外
篇博喻

衝颺傾山而不能効力於枝毫火鑠金石而不能耀烈
以起溼是以淮陰善戰守而拙理治之策絳侯安社稷
而乏承對之給

抱朴子外
篇博喻

粗理不可決全能事不可畢兼故懸象明而可蔽山川
滯而或移金玉剛而可柔堅冰密而可離公旦不能與
伯氏跟絪於馮雲之峻仲尼不能與呂梁較伎於百仞

之溪

抱朴子外
篇廣譬

能走者奪其翼善飛者減其指有角者無上齒豐後者
無前足蓋天道不使物有無焉也古人云多爲少善不

如執一鼯鼠五能不成伎術

顏氏家
訓省事

神明有所不及聖人有所不訓

揚子法言
注五百篇

人戴盆則不得望天望天則不得戴盆事不可無施言

已方一心營職不假修人事也

李善注文選司長
子長報任少卿書

夫尺有所短寸有所長物有所不足智有所不明數有

所不逮神有所不通

文選屈原卜居

目無常音之察耳無照影之神故在乎我者不誅之於

已存乎物者不求備於人

文選陸機演連珠

鱗者無毛毛者無羽觚者無牙角者無齒見於晝者滅

於夜得於前者失於後再便重利未之嘗有

道德經指歸卷十三

雞司夜狸執鼠日燭人此皆不能自全

意林尸子

人多患遠見百步而不自知眉頰知眉頰者復不能察

百步也

意林唐子

宋元君夜夢人披髮云予為清江使河泊之所漁者豫
且得子元君覺使人占之曰此神龜也君曰漁者有豫
且乎左右曰有明日豫且朝君曰漁何得對曰旦之網
得白龜圓五尺君曰獻若之龜龜至君再欲殺再欲活
心疑卜之曰殺龜以下吉乃剗龜七十鑽而無遺筭仲
尼曰神能夢於元君而不能避豫且之網智能七十鑽
無遺筭不能避剗腸之患是則智有所困神有所不及

藝文類聚
靈異部夢

盈虛之道雖修平而必陂損益之由在至象而無蠲是
以謂地之厚而東南缺唯天為大而西北懸

藝文類聚
雜文部連

珠

天精為日地精為月天地至貴精不兩明

太平御覽
天部三上

墨子曰甘瓜苦蒂天下物無全美也

埤雅卉
物門瓜

俗之談者以為火外照無納影之能內鑒無朗闇之功

初學記器
用部火注

戴角者無上齒

何氏語
林言語

猶如滿月盛光晝則不明

元陽妙經卷一

譬如大海其水一味多有諸寶亦有水精下價之珠大

等大集經十八

如孔雀好青項鳥飛行不如野雁步

四阿含暮抄解藉五

孔雀雖有色嚴身不如鴻雁能遠飛

大智度論卷三

夫長左者必短右大前者必狹後孟公綽為趙魏老則

優不可以為滕薛大夫

弘明集牟子理惑論

難制

豕之性能水又唐突難禁制四蹄皆白曰駭則白蹄其尤躁疾者今離其繒牧之處與衆豕涉入水之波漣矣

喻荆舒之人勇悍捷敏其君猶白蹄之豕也

鄭氏箋詩漸漸之石

筍者捕魚之器弊敗之筍在於魚梁其魚乃是魴鯪之

大魚非弊敗之筍所能制

毛詩正義做筍

草之滋長引蔓則難可芟除喻段之威勢稍大難可圖

謀也

春秋正義隱公元年

恐蛟龍得雲雨終非池中物也

吳志周瑜傳

堅若得洛不可復制此為除狼而得虎也

吳志孫堅傳注

隼質難羈狼心自野

晉書慕容寶列傳

失籠之鳥非羅所羈脫網之鯨豈罟所制

晉書慕容垂傳

蛟龍猛獸非可馴之物不如除之

晉書苻堅上紀

遂使衝鯨潰流暴鱗奔漢

宋書武帝上本紀

猛獸安可出穴

北齊書高祖十一王永安傳

駒駘野駿產自北域交頸相摩分背翹陸雖有孫陽終

不能服

山海經海外北經圖讚

禽鹿長而見羈則赴蹈湯火

文選范蔚宗
皇后紀論注

其下注也若奔車失轡狂牛無縻

廣文選崔子玉漢桂
陽太守周府君碑

譬如狂象之牙不可觸也

大寶積經
卷六十一

譬如大力狂象搪揆蹴蹋無能制者

大智度
論卷一

但衆生心性

譬如獼猴戲跳攀緣歡娛奔逸

法苑珠林
卷八十四

喻林卷二十九